



Regvlæ Societatis Iesv

Angeli, Bernardo d'

Romæ, 1616

Regulæ Sacerdotum.

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



REGVLAE

SACERDOTVM.



VÆ de disciplina religiosa in
Regulis, & instituto nostro
seruanda omnibus proposi-
ta sunt, ea Sacerdotes, pro
ratione sui gradus, sibi præ-
cipue dicta existiment, &

Disciplina re-
ligiosa.

obseruent.

2 Diuinum Officiū nitantur attente, & deuote, & opportuno tempore recitare.

Offic. diuinū,
vt recitandū.

3 Ita viuere studeant, vt quotidie merito celebrare possint: ad idque conducet (quamuis ex Constitutione octauo vt minimum quoque die confiteri teneantur) sæpius in hebdomada confiteri.

Quoties con-
fitebuntur.

In ex. c. 4. §.
25.

4 Cærimonias Missæ ex vsu Romano accurate vnusquisque obseruet: in eaque celebranda pronunciationem, & quancunque aliam exteriorem actionem ita moderetur,

P. 4. c. 8. §. 2.

Cærimoniæ in
missa seruandæ

N 3 vt non

vt non minus aliorum ædificationi, quam propria deuotioni seruiat. & ideo semihoram in faciendo Sacro nec multum excedat, neque ita breuis sit, vt illam non expleat.

Admoniti ad
sacrum statim
ibunt.

P.4.c.8. §.6.
& lit. F. & can.
21. congr. 1. &
can. 20. Cong.

2
Doct. Chr. sit
illis curæ.

P.4.c.8 §.5.
& p.7.c.4. §.8.
& lit. F.

Exercitiorum
spiritualium
vſus.

Suum munus
magnum faciant
P.7.c.4 §.5.

P.7.c.4 §.5.

Confessiones
non nisi de pu
tati audiant.

5 Qui in summo Altari Sacra facturi sunt, simul tque campanæ se vocantis pulsum audierint, vel admoniti fuerint, ad vestes sacerdotales induendas se conferant, vt in tempore exire ex Sacristia possint.

6 Salutare tradendæ doctrinæ Christianæ ministerium pueris, ac rudibus, quod à sui origine nostra Societas tanto affectu complexa est, pari omnes studio promouere curent.

7 Intelligent sibi ratione peculiari incumbere, vt Exercitiorum spiritualium, quæ tantopere ad Dei obsequium conferre cernuntur, vſum valde familiarem habeant; quo, & alios ad ea suscipienda adducere, & in eo tam utili armorum spiritualium genere tractando dexteritatem habere possint.

8 Omnes ij, quibus ex Obedientia confessiones audiendi sanctum munus committitur, multum ad id affici studeant, & tanquam nostri instituti valde proprium magnum faciant.

9 Nemo ad confessiones audiendas accedat, nisi à Superiore deputatus, & qui simul intelligat, quam facultatem ad hoc munus ab eo habeat.

10 Modum ea Sacramenta ministrandi, quæ Sacerdotes nostræ Societatis tractare possunt, perspectum omnes habeant, in eoque yniformes sint, quantum regionum varietas patietur: formam tamen & rationem absol- uendi ab excommunicatione, & alijs censu- ris, & peccatis, eamdem omnes sequantur; attendantque, ne ex modo vtendi facultati- bus Societatis, Ordinarij, & Parochi iure, offendi possint.

P.4. c.8. §.4.
& lit. D.
Modum admi-
nistrandi Sa-
cramenta ad-
discant.
P.8. c.1. § 8.
& p.10. §.9.

11 In casibus conscientiæ, ijsque præ- fertim, qui ad censuras, casus reseruos, restitutiones pertinent, sese diligenter exer- ceant; earumque rerum Compendia, & bre- uem interrogandi methodum, ac contra sin- gulorum peccatorum species exempla, & dicta Sanctorum, atque alia salutaria reme- dia comparare studeant.

Quæ ad con-
fessionem spe-
ctant.
P.4.c.8.& lit.
D.

12 Confessarij inter seipsos, & in modo procedendi cum pœnitentibus conformes es- se curent: & quantum res tulerit, ita alio- rum Confessariorum existimationi vnusquis- que consulat, vt omnes intelligant, mutuo caritatis, & vniformis doctrinæ vinculo, Societatis Confessarios in Christo esse colli- gatos.

P.3.c.1. §.18.
& p.8.c.1 §.8.
& p.10. §.9.
Caritas & vni-
formitas doct.

13 Vocati ad Ecclesiam ad confessiones audiendas, statim cum animi alacritate eo se conferant: & quo maior pœnitentium mul- tudo futura est, eo magis tempestiue ab alijs

Parati sint esse
vocantur.

occupationibus se expediant.

14 In templo confessiones, dum concio fit, vel sacra lectio, nemo audiat.

15 Confessarij ita audiant pœnitentes, vt mutuum aspectum fugiant: sic enim attentius, & liberius audient. quod si locus non erit eiusmodi, vt tabula Confessarium à confitente diuidat, manus interposita inter faciem propriam, & confitentem, qui ad latus esse debet, id præstabit. Mulierum verò Confessiones non audiantur nisi ad crates, etiam si sint puellulæ.

Modus in confessionibus audiendis.
Decr. 75. §. 11. Cong. 7. Ex Instruct. pro Confess.

Quales cum mulieribus.

16 In audiendis confessionibus fœminarum præsertim, seueros potius se, quam familiares exhibeant: in vniuersum tamen paterna quædam & spiritualis grauitas in eis eluceat.

Eas breuiter expediant.

17 Eos, qui crebrius confitentur, maxime fœminas, breuiter expediant; nec de rebus ad confessionem non pertinentibus in confessione loquantur: extra confessionem vero, si oportebit eas alloqui, id fiat in loco patenti, nec longum sermonem misceant, & oculos modeste demissos habeant.

Decr. 75. §. 12. Cong. 7. Ex Instruct. 6. pro Confess.

Socij præsentia.

P. 3. c. 1. §. 3.

18 Quando quis à Superiore mittetur ad confessiones fœminarum audiendas, vel alia de causa eas adierit; socius, quem Superior ipsi designabit, quandiu cum fœminis Sacerdos loquetur, eo in loco erit, vnde videre eos, sed non, quæ secreta esse oportet, audire

audire possit, quantum loci dispositio patietur: quod si non pateretur, curet omnino Sacerdos, ne ostium sit clausum, nec locus obscurus.

19 Particularem personarum, præsertim feminarum curam nemo suscipiat: & quavis Confessarius pro suo munere in vita spiritali pœnitentem instituat, nullius tamen obedientiam admittat.

P.6.c.3. §.5.
Nullius curam suscipiat.

20 Si quis vni confiteri solitus, ab eodem alium Confessarium adeundi facultatem petierit, vel ea non petita adierit, id sibi gratum esse Confessarius benigne ostendat.

Quid si cum alio confiteri velint.

21 Ut sanitatis etiam ratio ad Dei gloriam habeatur, confessiones mane ad horam vsque prandij tantum audiant; ita vt cum signum primæ mensæ audietur, studeant, se ita accommodare, vt ad secundam accedant; nisi forte pœnitentium necessitas aliud exigat.

Tempus audiendi confessiones.

22 Nemini aut petere, aut accipere quidquam liceat, siue ab ijs, quorum confessiones audiuerit, siue ab alijs quod vel in pauperes distribuat, vel alteri satisfactionis nomine restituat; nisi Superior, cum opus esset, secus faciendum iudicaret.

Nil in scio Superioriore petant.

23 Et si vota ad perfectionis statum pertinentia, vt sancta laudari debent, & circa ea Confessarij consilium, sed magna cum

Neminem ad emittenda vota inducant.

confi-

consideratione, dare possint: quia tamen non humanam, sed diuinam vocationem requirunt, nemo ad ea emittenda quemquam inducat; verum ad orationem tales hortetur, vt à Deo adiuti, vocationem suam melius intelligant, & exequantur.

Quid cum
propensis ad
Religionem.

24 Si quos viderint ad Religionem propensos, non facile ad vnã potius quam ad aliam, ad hoc, quam ad illud Monasterium inuitent; sed liberam illis suam electionem relinquunt. poterunt tamen petentibus consilium, eas Religiones, vel Monasteria proponere, quæ illis magis commoda in Domino iudicauerint.

Nulli habitũ
certum præ-
scribat.

25 Nullus eis, quorum audit confessiones, certum vestimenti genus, hunc aut illum habitum, vel colorem præscribat: tametsi omnes ad honestum, & suo statui conuenientem vestitum hortari possint.

Communio se-
cularibus quã
do permitten-
da.

26 Vt pium est, ad frequenter communicandum fideles exhortari; ita quos ad id propensos viderint, admonere debent, ne crebrius, quam octauo quoque die accedant, præsertim si matrimonio sint coniuncti.

P. 7. c. 4. lit. D
Communio in
Paschate.

27 Admoneat eos, qui sibi confitentur, à Dominica Palmarum ad Dominicam in Albis inclusivè, eo tempore (nisi aliud consuetudo loci postulauerit) debere semel in sua Parochia communicare, exceptis peregrinis,

grinis, & ijs, qui facultatem haberent, & reliquis, quos ius excipit.

28 Qui vocantur ad iuandos eos, qui morti vicini sunt, ea in promptu habeant, quæ eo tempore, in quo tantum est momenti, vsui esse possint; tamdiuque illis ad

P. 4. c. 8. §. 7.
& lit G.
Quomodo cum moribûdis se gerant.

sint, quamdiu sola necessitas postulabit. Ceterum etsi cum

opus est, ægrotos ad

condenda testa-

menta horta-

ri con-

ue-

niat, ijs tamen con-

ficiendis non

assistant.

